

海

本紀第一

唐書一

翰林學士兼龍圖閣直學士給事中知制誥充史

館脩撰判祕閣臣歐陽脩奉 敕撰

高祖神堯大聖大光孝皇帝諱淵字叔德姓李氏
隴西成紀人也其七世祖暉當晉末據秦涼以自
王是為涼武昭王暉生歆歆為沮渠蒙遜所滅歆
生重耳魏弘農太守重耳生熙金門鎮將戍于武
川因番家焉熙生天賜為幢主天賜生虎西魏時
賜姓大野氏官至太尉與李弼等八人佐周代魏
有功皆為柱國號八柱國家周閔帝受魏禪虎已

卒乃追錄其功封唐國公謚曰襄襄公生勃襲封
唐公隋安州總管柱國大將軍卒謚曰仁仁公生
高祖於長安體有三乳性寬仁襲封唐公隋文帝
獨孤皇后高祖之從母也以故文帝與高祖相親
愛文帝相周復高祖姓李氏以為千牛備身事隋
集龍二州刺史大業中歷岐州刺史柴陽獲煩二
郡太守召為殿內少監衛尉少卿煬帝征遼東遣
高祖督運糧於懷遠鎮揚玄感將反其兄弟從征
總皆逃歸高祖先覓以聞煬帝遣班師以高祖為
弘化留守以陳玄感詔關右諸帥兵皆受高祖

節度是時隋政衰天下大亂煬帝多以猜忌殺戮
大臣嘗以事召高祖高祖遇疾不時謁高祖有甥
王氏在後宮煬帝問之王氏以疾對煬帝曰可得
死否高祖聞之益懼因縱酒納賂以自晦十一年
拜山西河東慰撫大使擊龍門賊母端兒射七十
發皆中賊敗去而斂其尸以築京觀蓋得其箭於
其尸又擊絳州賊柴保昌降其衆數萬人突厥犯
塞高祖與馬邑太守王仁恭擊之隋兵少不敵高
祖選精騎三千為游軍居處飲食隨水草如突厥
而射獵馳騁示以閒暇別選善射者伏為奇兵虜

見高祖不_疑敢戰高祖承而擊之突厥敗走十三年
拜太原留守擊高陽歷山飛賊甄翟兒于西河
破之定時煬帝南遊江都天下盜起高祖子世民
知隋必亡陰結豪傑招納亡命與晉陽令劉文靜
謀奉大事計已決而高祖未之知欲以情告懼不
見聽高祖留守太原領晉陽宮監而所善客裴寂
為副監世民陰與寂謀寂因選晉陽宮人私侍高
祖高祖過寂飲酒河酣從容寂具以人事告之高
祖大驚寂曰正為宮人奉公事發當誅為此爾世
民因亦入白其事高祖初陽不許欲執世民送官

已而許之曰吾愛汝豈忍告汝邪然未有以發而
所在盜賊益多突厥數犯邊高祖兵出無功煬帝
遣使者執高祖詣江都高祖大懼世民曰事急矣
可舉事已而煬帝復馳使者赦止高祖其事遂已
是時劉武周起馬邑林士弘起豫章劉元進起晉
安皆稱皇帝朱粲起南陽號楚帝李子通起海陵
號楚王邵江海據岐州號新平王薛舉起金城號
西秦霸王郭子和起榆林號永樂王竇建德起河
間號長樂王王須拔起恒定號漫天王汪華起新
安杜伏威起淮南皆號吳王李密起鞏號魏公王

德仁起鄴號太公左才相起齊郡號博山公羅執云
據幽州左難當據涇馮盜據高羅皆號惣管梁師
都據朔方號大丞相孟海公據曹州號録事周文
舉據淮陽號柳葉軍高開道據北平張長孫據五
原周挑據上洛楊士林據山南徐圓朗據兗州楊
仲達據豫州張善相據伊汝王要漢據汴州時德
徽據尉氏李義滿據平陵暴公順據青萊淳于難
據文登徐師順據任城時弘度據東海王溥據齊
郡蔣善合據鄆州田留安據章丘張青特據濟北
臧君相據海州殷恭邃據舒州周法明據永安苗

海潮據永嘉梅知巖據宣城鄧文進據廣州俚倫
揚世略據循潮冉安昌據巴東竊長真據鬱林其
別號諸盜往往屯聚山澤而劉武周攻汾陽宮高
祖乃集將吏告曰今吾為留守而賊據離宮縱賊
不誅罪當死然出兵必待報今江都陽遠後期柰
何將吏皆曰國家之利可專者公也高祖曰善乃
募兵旬日間得衆一萬副留守虎賁郎將王威虎
牙郎將高君雅見兵大集疑有變謀因禱兩晉祠
以圖高祖高祖覺之乃陰為備五月甲子高祖及
威君雅視事開陽府司馬劉政會告威君雅反即

坐上執之丙寅突厥犯邊高祖令軍中曰人告威
君雅召突厥今其果然遂殺之以起兵遣劉文靜
使突厥約連和六月已知傳檄諸郡稱義兵開大
將軍府置三軍以子建成爲隴西公左領軍大都
督左軍隸焉世民爲燉煌公右領軍大都督右軍
隸焉元吉爲姑臧公中軍隸焉裴寂爲長史劉文
靜爲司馬石艾縣長殷開山爲掾劉政會爲屬長
孫順德王長諧劉弘基竇琮爲統軍開倉庫賑窮
乏七月壬子高祖杖白旗誓衆於野有兵三萬以
元吉爲太原留守癸丑發太原甲寅遣將張綸徇

下離石龍泉文城三郡丙辰次靈石營於費明
隋虎牙郎將宋老生屯于霍邑以拒義師丙寅隋
鷹揚府司馬李軌起武威號大涼王八月辛巳敗
宋老生于霍邑丙戌下臨汾郡平郊克絳郡癸巳
次龍門突厥來助隋驍衛大將軍屈突通守河東
絕津梁壬寅馮翊賊孫華土門賊白玄度皆具舟
以來逆九月戊午高祖領太尉加置僚佐以少牢
祀河乃濟甲子次長春宮丙寅隴西公建成劉文
靜屯永豐倉守潼關燉煌公世民自渭北徇二輔
從父弟神通起兵于鄠柴氏婦高祖女也亦起兵

于司竹皆與世民會郿賊立師利李仲文整屋賊
何潘仁向善思宜君賊劉昊等皆來降因略定鄠
杜壬申高祖次馮翊乙亥燉煌公世民屯阿城隴
西公建成自新豐趨霸上丙子高祖自下邳以西
所經隋行宮苑籞悉罷之出宮女還其家十月辛
巳次長樂宮有衆二十萬隋留守衛文昇等奉代
王侑守京城高祖遣使諭之不報乃圍城下令曰
犯隋七廟及宗室者罪三族丙申隋羅山令蕭銑
自號梁公十一月丙辰克京城命王符郎宋八公弼
收圖籍約法十二條殺人劫盜背軍叛者死癸亥

遇尊隋帝為太上皇帝代王為皇帝大赦改元義
寧甲子高祖入京師至朝堂望闕而拜隋帝授高
祖假黃鉞使持節大都督內外諸軍事大丞相錄
尚書事進封唐王以武德殿為丞相府下教曰令
視事于虔化門十二月癸未隋帝贈唐公為景
王仁公為元王夫人竇氏為唐國妃謚曰穆以建
成為唐國世子世民為唐國內史徙封秦國公元
吉為齊國公丞相府置長史司錄以下官趙郡公
孝恭徇山南甲辰雲陽令魯俊徇巴蜀二年正月
丁未隋帝詔唐王劔屢上殿入朝不趨殊具拜不各

加前後羽葆鼓吹戊午周旋降戊辰世子建成為
左元帥秦國公世民為右元帥徇地東都二月己
卯太常卿鄭元璠定禁鄧使者馬元規徇荆襄三
月己酉齊國公元吉為太原道行軍元帥乙卯世
民徙封趙國公丙辰隋右屯衛將軍宇文化及弒
太上皇于江都立秦王皓為皇帝吳興郡守沈法
興據丹陽自稱江南道總管樂安人盧祖尚據光
州自稱刺史戊辰隋帝進唐王位相國總百揆備
九得唐國置丞相等官立四廟四月己卯張長發
降辛巳停竹使符班銀菟符五月己巳隋帝命唐

王冕十有二旒建天子旌旗出警入蹕甲寅王德
仁降戊午隋帝遜于位以刑部尚書蕭造司農少
卿裴之隱奉皇帝璽綬於唐王三讓乃受武德元
年五月甲子即皇帝位于太極殿命蕭造兼太尉
告于南郊大赦改元賜百官庶人爵一級義師所
過給復二年其餘給復一年改郡為州太守為刺
史庚午太白晝見隋東都留守元文都及左武衛
大將軍王世充立越王侗為皇帝六月甲戌趙國
公世民為尚書令裴寂為尚書右僕射知政事劉
文靜為納言隋民部尚書蕭瑀丞相府司錄參軍

竇威爲內史令丙子太白晝見巴邠追謚皇高祖
曰宣簡公皇曾祖曰懿王皇祖曰景皇帝廟號太
祖祖妣梁氏梁氏曰景烈皇后皇考曰元皇帝廟號
世祖妣獨孤氏曰元貞皇后妃竇氏曰穆皇后庚辰
立世子建成爲皇太子封世民爲秦王元吉齊王
突未薛舉寇涇州秦王世民爲西討元帥劉文静
爲司馬太僕卿宇文明達招慰山東乙酉奉隋帝
爲鄴國公詔曰近世時運遷革前代親族莫不夷
絕層敷有歸實惟天命興亡之效豈伊人力前情
發主智積等子孫皆選用之癸巳禁羊符瑞者辛

丑竇威薨葬黃門侍郎陳叔達判納言將作大匠竇
抗兼納言七月壬子劉文静及薛舉戰于涇州敗
績乙卯郭子和降庚申廢隋離宮八月壬申劉文
靜除名戊寅納功臣恕死罪辛巳薛舉卒壬午李
軌降甲申巖州刺史王德仁赦招慰使宇文明達
以反巳丑秦王世民爲西討元帥以討薛仁果庚
子贈隋太常卿高顛上柱國郟國公上柱國賀若
弼北國公司隸大夫薛道衡上開府臨河縣公刑
部尚書宇文弼上開府平昌縣公左胡衛將軍董
純柱國狄道公右驍衛將軍李金才上柱國申國

公左光祿大夫李敏柱國觀國公諸曹隋枉殺而子孫被流者皆還之九月乙巳虜囚始置軍府癸丑改銀莧符為銅魚符甲寅秦州總管竇軌及薛仁果戰敗績卒未守文化及殺秦王結自稱皇帝十月壬申朔日有食之巳卯李密降壬午朱粲陷鄴州刺史呂子臧死之乙酉邵江海降巳亥盜殺商州刺史泉彥宗辛丑大關是月竇抗罷十一月竇建德敗王須拔于幽州須拔亡入于突厥乙巳涼王李軌反戊申禁獻侏儒短節小馬辟牛異獸奇禽者巳酉秦王世民敗薛仁果執之癸丑行軍

總管趙慈景攻蒲州隋刺史堯君素拒戰執慈景癸亥秦王世民俘薛仁果以獻十二月壬申世民為大尉丙子蒲州人殺堯君素立其將王行本辛巳鄭元璵及朱粲戰于高州敗之乙酉如周氏陵丁亥至白周氏陵庚子光祿卿李密反伏誅是歲高開道陷漁陽號燕王

二年正月甲子陳叔達薨納言詔自今正月五月九月不行死刑禁屠殺丙寅張善相降巳巳楊士林降二月乙酉初定祖庸調法令文武官終喪丙戌州置宗師一人甲午赦并浩介石四州賈胡堡

以北繫囚閏月竇建德陷邢州執總管陳君賓李
丑竇建德殺宇文化及于聊城朱粲降壬寅皇太
子及秦王世民裴寂巡于畿縣乙巳御史大夫段
確勞朱粲于菊潭庚戌微行察風俗乙卯以穀貴
禁關內屠酤左屯衛將軍何潘仁及山賊張子惠
戰于司竹死之丁巳慮囚庚申驍騎將軍趙欽王
娑羅及山賊戰于鹽屋死之丁卯王世充陷殷州
陟州刺史李育德死之三月甲戌王濤降庚辰將
心度徐師順降丁亥竇建德陷趙州丁酉李義浦
十四月基公順降庚之二并州總管齊王元吉及劉

武周戰于榆次敗績辛丑朱粲殺段確以反乙巳
王世充廢越王侗自稱皇帝癸亥陷伊州執總管
張善相五月庚辰涼州將安脩仁執李軌以降癸
未曲赦涼甘瓜鄯肅會蘭河廓九州六月王世充
殺越王侗戊戌立周公孔子廟于國子監庚子竇
建德陷滄州丁未劉武周陷介州癸亥裴寂為晉
州道行軍總管離石胡劉季真叛陷石州刺史王
儉死之七月壬申徐圓朗降八月丁酉鄯國公靈
甲子竇建德陷洛州執總管袁子幹九月辛未殺
戶部尚書劉文靜李子通自稱皇帝沈法興自稱

梁主丁丑杜伏威降裴寂及劉武周戰于介州敗績右武衛大將軍姜寶誼死之庚辰寶建德陷相州惣管呂珉死之辛巳劉武周陷并州庚寅太白晝見寶建德陷趙州執惣管張志昂乙未京師地震梁師都寇延州鄜州刺史梁禮死之十月己亥羅藝降乙卯如華陰赦募士背軍者壬戌劉武周寇晉州永安王孝基及工部尚書孤懷恩陝州惣管于筠內史侍郎唐儉討之甲子祠華山是月夏縣人呂崇茂反秦主出民討劉武周十一月丙子寶建德陷黎州勅淮安王神通惣管李世勣于

二月丙申獵于華山永安王孝基及劉武周戰于下邳敗績壬子大風拔木

三年正月己巳獵于渭濱戊寅王行本降辛巳如蒲州癸巳至自蒲州二月丁酉京師西南地有聲庚子如華陰甲寅獨孤懷恩謀反伏誅辛酉檢校隰州惣管劉師善謀反伏誅三月庚午改納言爲侍中內史令爲中書令甲戌中書侍郎封德彝兼中書令乙酉劉季真降四月丙申祠華山壬寅至自華陰癸卯禁關內諸州屠甲寅秦主出民及宋金剛戰于雀鼠谷敗之辛酉王世充陷鄧州惣管

雷四郎死之壬戌秦王世民及劉武周戰于洛州
敗之武周亡入于突厥克并州五月壬午秦王世
民署夏縣六月丙申赦晉隰潞并四州癸卯詔隋
帝及其宗室柩在江都者為營窆置陵廟以故宮
人守之丙午慮囚封子元景為趙王元昌魯王元
亨鄴王元巳西出宮女五百人賜東征將士有功者
甲寅顯州長史田瓚殺行臺尚書令楊士林叛附
于王世充乙卯瘞州縣暴骨七月壬戌秦王世民
討王世充甲戌皇太子屯于蒲州以備突厥丙戌
梁師都導突厥稽胡寇邊行軍總管段德操敗之

八月庚子慮囚甲辰時德敵降九月癸酉田瓚降
巳丑給復陝鼎熊穀四州二年十月戊申高開道
降巳酉楊仲達降巳未有星隕于東都十二月巳
酉瓜州刺史賀拔行威反

四年正月辛巳皇太子伐稽胡二月竇建德隋曹
州執孟海公巳丑車騎將軍董阿只反于隴州伏
誅乙巳太常少卿李仲文謀反伏誅丙午慮囚丁
巳赦代州摠管府石嶺之北二月進封宜都郡王
泰爲衛王庚申慮囚乙酉竇建德隋管州刺史郭
志安死之四月壬寅齊王元吉及王世克戰于東

都敗績行軍總管盧君諤死之戊申突厥寇并州
執汾陽郡王瓌太常卿鄭元璠左驍騎衛大將軍
長孫順德甲寅封子元方為周王元禮鄭王元嘉
宋王元則荆王元茂越王丁巳左武衛將軍王君
廓敗張青持執之五月壬戌秦王世民敗竇建德
于虎牢執之乙丑赦山東為建德所誅誤者戊辰
王世克降庚午周法明降六月庚寅赦河南為王
世充所誅誤者戊戌蔣善合降庚子營州人石世
則執其總管晉文衍叛附于靺鞨乙卯臧君相降
七月甲子秦王世民俘王世充以獻丙寅竇建德

伏誅丁卯大赦給復天下一年陝鼎函號虞秦丙
七州二年甲戌劉黑闥反于貝州辛巳戴州刺史
孟噉鬼反伏誅八月丙戌朔日有食之丁亥皇太
子安撫北境丁酉劉黑闥陷鄆縣魏州刺史權威
具州刺史戴元祥死之癸卯突厥寇代州執行軍
總管王莽基丁未劉黑闥陷歷亭出衛將軍王行
敏死之辛亥深州人崔元孫殺其刺史裴晞叛附
于劉黑闥兗州總管徐圓朗反九月盧祖尚降乙
卯淳于難降甲子注華降是秋夔州總管趙郡王
孝恭率十二總管兵以討蕭銑十月己丑秦王世

民爲天策上將領司徒齊王元吉爲司空庚寅劉
黑闥陷瀛州執刺史盧士叡又陷觀州癸卯毛州
人董燈明殺其刺史趙元愷乙巳趙郡王孝恭敗
蕭銑于荊州執之閏月乙卯如稷州己未幸舊野
壬子獵于好時乙丑獵于九皮丁卯獵于仲山戊
辰獵于清水谷遂幸三原辛未如周氏陂壬申至
自周氏陂十一月甲申有事于南郊庚寅李子通
降丙申子通謀反伏誅壬寅劉黑闥陷定州摠管
李玄通死之庚戌杞州人周文舉殺其刺史王孝
矩叛附于黑闥十二月乙卯黑闥陷冀州摠管麴

稜死之甲子左武侯將軍李世勣及黑闥戰于宋
州敗績丁卯秦王世民齊王元吉討黑闥己巳黑
闥陷邢州庚午陷魏州摠管潘道毅死之辛未陷
業州壬申徙封元嘉爲徐王
五年正月乙酉劉黑闥陷相州刺史房晃死之丙
戌殷恭邃降丁亥濟州別駕劉伯通執其刺史竇
務本叛附于徐圓朗庚寅東鹽州治中王才藝殺
其刺史田華叛附于劉黑闥丙申相州人殺其刺
史獨孤徹以其州叛附于黑闥己酉楊世略劉元
進降二月王要漢降己巳秦王世民克邢州丁丑

劉黑闥陷洛水摠管羅士信死之戊寅汴州摠管
王要漢敗徐圓朗于杞州執周文舉三月戊戌譚
州刺史李義滿殺齊州都督王溥丁未秦王世民
及劉黑闥戰于洛水敗之黑闥亡入于突厥蔚州
摠管高開道反寇易州刺史慕容容孝幹死之四月
梁州野蠶成繭并安昌降己未甯長真降戊辰釋
流罪以下獲麥士申代州摠管李大恩及突厥戰
死之戊寅鄧文進降五月田留安降庚寅瓜州人
王幹殺賀拔行威以降乙巳賜荊州今歲田租六
月辛亥劉黑闥與突厥寇山東車騎將軍元韶為

武州道行軍摠管以備突厥癸丑吐谷渾寇洮州
置三州岷州摠管李長卿敗之乙卯維安郡王神
通討徐圓朗七月甲申作弘義官甲午淮陽郡王
道玄為河北道行軍摠管討劉黑闥貝州人董該
以定州判附于黑闥丙申突厥殺劉武周于白道
遷州人鄧士政反執其刺史李敬昂丁酉馮盎降
八月辛亥葬隋煬帝甲寅吐谷渾寇岷州益州道
行臺左僕射竇軌敗之乙卯突厥寇遼東甲皇太
子出幽州道秦王世民出秦州道以禦突厥己巳
吐谷渾陷洮州并州摠管襄邑郡王神符反突厥

戰于汾東敗之戊寅突厥陷大震關九月癸巳靈
州提督揚師道敗之于三觀山丙申洪州提督宇
文敬又敗之于崇岡壬寅定州提督雙士洛驃騎
將軍魏道仁又敗之于恒山之陽丙午領軍將軍
安興貴又敗之于甘州劉黑闥陷瀛州刺史馬匡
武死之東鹽州人馬君德以其州判附于黑闥十
月己酉齊王元吉討黑闥癸丑貝州刺史許善護
及黑闥戰于鄆州死之甲寅觀州刺史劉君會叛
附于黑闥乙丑淮陽郡王道玄及黑闥戰于下博
死之己巳林士弘降十一月庚辰劉黑闥陷滄州

甲申皇太子討黑闥丙申如宜州癸卯獵于富平
北原十一月丙辰獵于萬壽原戊午劉黑闥陷恒
州刺史王公政死之庚申至自萬壽原壬申皇太
子及劉黑闥戰于鄴州敗之中戌又敗之于毛州
六年正月己卯黑闥將烏德威執黑闥以降壬午
嵩州人王摩沒反暕弱將軍衛奕討之庚寅徐圓
朗陷泗州二月劉黑闥伏誅庚戌辛溫湯壬子獵
于驪山甲寅至自溫湯丙寅行軍提督李世責敗
徐圓朗執之三月苗海潮梅知巖左難當降乙巳
洪州提督張善安反四月己酉吐蕃陷芳州己未

以故第為通義宮祭元皇帝元貞皇后于舊寢赦
京城賜徙官帛辛酉張善安陷孫州執摠管王彜
丁卯南州刺史龐孝泰友陷南越州壬申封子元
壽為蜀王元慶為漢王癸酉裴寂為尚書右僕射蕭
瑋為右僕射封德彝為中書令吏部尚書楊恭仁
兼中書令檢校涼州諸軍事五月庚寅吐谷渾党
項寇河州刺史盧士良敗之癸卯高開道以奚冠
涇州長史王說敗之六月丁卯突厥寇朔州摠管
高滿政敗之曲赦朔州七月丙子沙州別駕實仗
明反殺其摠管賀若憚鄭已亥皇太子屯于北邊

秦王世民屯于并州以備突厥八月壬子淮南道
行臺左僕射輔公祐反乙丑趙郡王孝恭討之九
月壬辰秦王世民為江州道行軍元帥丙申渝州
人張大智反十月丙午殺夔州都督劉世讓戊申
降死罪流以下原之己未如華陰張大智降庚申
獵于白鹿原壬戌右虞候率杜士遠殺高滿政以
朔州反丁卯突厥請和十一月壬午張善安襲殺
黃州摠管周法明丁亥如華陰辛卯獵于沙苑丁
酉獵于伏龍原十二月壬寅朔日有食之癸卯張
善安降庚戌以秦議監為龍躍宮武功宅為慶善

唐本已
宮甲寅至自華陰

七年正月庚寅鄒州人鄧同穎殺其刺史李士衡
一月丁巳釋奠于國學己未漁陽部將張金樹殺
高開道以降三月戊戌趙郡王孝恭敗輔公祐執
之己亥孝恭殺越州都督闕棱四月庚子大赦
新律令給復江州道二年揚越一年五月丙戌涼
仁智宮六月辛丑如仁智宮壬戌慶州都督楊文
幹反七月己巳突厥寇朔州摠管秦武通敗之癸
酉慶州人殺楊文幹以降甲午至自仁智宮雋州
地震山崩過江水閏月己未秦王世民齊王元吉

屯于豳州以備突厥八月己巳吐谷渾寇鄯州驍
騎將軍彭武傑死之戊寅突厥寇綏州刺史劉大
俱敗之壬辰突厥請和丁酉裴寂使于突厥十月
丁卯如慶善宮辛未獵于鄠南癸酉幸終南山丙
子謁樓觀老子祠庚寅獵于圍川十二月丁卯如
龍躍宮戊辰獵于高陵庚午至自南陵太子詹事
裴矩檢校侍中

八年二月癸未慮囚四月甲申如鄠獵于其谷作
太和宮丙戌至自鄠六月甲子如太和宮七月丙
午至自太和宮丁巳秦王世民屯于蒲州以備突

曆八月壬申并州行軍總管張瑾及突厥戰于太
谷敗績鄆州都督張德政死之執行軍長史溫彥
博甲申任城郡王道宗及突厥戰于靈州敗之丁
亥突厥請和十月辛巳如周氏陂獵于北原壬午
始龍躍宮十一月辛卯如宜州獵于西原裴矩罷
庚子講武于同官天策府司馬宇文士及權檢校
侍中辛丑徙封元璿為吳王元慶陳王癸卯秦王
世民為中書令齊王元吉為侍中癸丑獵于華池
北原十二月辛酉至自華池庚辰獵于鳴犢泉辛
巳至自鳴犢泉

九年正月甲寅裴寂為司空二月庚申齊王元吉
為司徒壬午有星孛于曹鼎丁亥守于卷古三月
庚寅幸昆明池習水戰壬辰至自昆明池丙午如
周氏陂乙卯至自周氏陂丁巳突厥寇涼州都督
長樂郡王幼良敗之四月辛巳廢洛陽署老子法六
月丁巳太白經天庚申秦王世民殺皇太子建成
齊王元吉大赦復浮屠老子法癸亥立秦王世民
為皇太子聽政賜為父後者龍衣勳爵赤牒官得為
真免民逋租宿賦己卯太白晝見庚辰幽州都督
盧江郡王瑗反伏誅癸未赦幽州管內為瑗所誅

誤者七月辛卯楊恭仁罷太子右庶子高士廉為
侍中左庶子房玄齡為中書令蕭瑀為尚書左僕
射癸巳宇文士及為中書令封德彝為尚書左僕
射辛亥太白書見甲寅太白書見八月丙辰突厥
請和丁巳太白書見壬戌吐谷渾請和甲子皇太
子即皇帝位貞觀三年太上皇徙居大安宮九年
五月崩于垂拱前殿年七十一謚曰太武廟號
祖上元元年改謚神堯皇帝天寶八載謚神堯
聖皇帝十三載增謚神堯大聖大光孝皇帝
堯曰自古受命之君非有德不王自夏后氏以來

始傳以世而有賢有不肖故其為世數亦或短或
長論者乃謂周自后稷至於文武積功累仁其來
也遠故其為世尤長然考於世本夏商周皆出於
黃帝夏自鯀以前商自契至於成湯其間寂寥無
聞與周之興異矣而漢亦起於亭長叛亡之徒及
其興也有天下皆數百年而後已由是言之天命
豈易知哉然考其終始治亂顧其功德有厚薄與
其制度紀綱所以維持者如何而其後世或寢以
隆昌或壞以是亂民漸以陵遲或能振而復起或
遂至不可支持雖各異其勢然有德則興無德

則絕豈不所謂人者而不顯其符而得有國者
兢兢以自名不唐虞之際世雖貴矣然烏有
所謂積功累仁之古一而祖之興亦何異因時而
特起者歟雖其有治有亂或絕或微然其有天下
年幾三百可謂益哉豈非人而隋亂而蒙德澤繼
以太宗之治制度紀綱之法後世有以憑藉扶持
而能永其天命歟

本紀第一

本紀第二

唐書二

翰林學士兼龍圖閣學士朝散大夫給事中知制誥充

史館脩撰判祕閣臣歐陽脩奉 敕撰

太宗文武大聖大廣孝皇帝諱世民高祖次子也
母曰太穆皇后竇氏生而不驚方四歲有書生謁
高祖曰公在相法貴人也然必有貴子及見太宗
曰龍鳳之姿天日之表具年幾冠必能濟世安民
書生已辭去高祖懼其語泄使人追殺之而不知
其所往因以為神乃採其語名之曰世民大業中
突厥圍少帝雋門湯泉以圍中以木繫詔書投汾

水而下其兵赴後大穴。隋年十六往應募，隸將軍
雲定，與謂之曰：虜一圍吾天子者，以為無援，故
也。今宜牛，吾軍為數，里使其晝見旌旗，夜聞
鉦鼓，以為大至，則一擊而定之。不然，知我虛實，
則勝敗未可知也。其從之。軍至崞縣，突厥候騎
見其軍，牙不絕軍帥曰：始畢可汗曰：救兵大至矣。
遂引去。高祖擊虜，虜陷其圍中。太宗馳輕騎取
之，而出。遂奮擊大破之。太宗為人聰明英武，有大
志，而能節下士，時天下已亂，盜賊起，知隋必亡，
乃推財養士，結納豪傑。長孫順德、劉弘基等皆因

事亡命匿之。與晉陽令劉文静尤善。文静坐事
密事繫獄，太宗夜就獄中見之，與圖大事。時百姓
避賊多入城，城中幾無人，文静為令，久知其豪傑
因共部署計已，乃以夜寂告高祖。高祖初不許，
已而許之。高祖起兵，八將軍府。太宗率兵徇
西河，斬其郡丞百。德儒拜右領軍，大都督封煬煌
郡公。唐兵西將至，霍邑會，天久雨，糧且盡。高祖謀
欲還兵太原，太宗諫曰：義師為天下起也，宜直入
咸陽，號令天下，令還守一城，是為賊爾。高祖不納。
太宗突于軍門，高祖驚召問之，對曰：還則眾散於

前而敵乘於後死亡須臾所以悲爾高祖寤曰起
事者汝也成敗惟汝時左軍已先返即與隴西公
建成分退之夜半太宗失道入山谷棄其馬步而
及其兵與俱還高祖乃將而前遲明至霍邑宋老
生不出太宗從數騎傳其城舉鞭指麾若將圍之
者老生怒出背城陣高祖率建成居其東太宗及
巢紹居其南老生兵薄東陣建成隊馬老生乘之
高祖軍却太宗自南原馳下坂分兵斷其軍為二
而出其陣後老生兵敗走遂斬之進次涇陽擊胡
賊劉鷓子破之唐兵攻長安太宗屯金城坊攻其

西北遂克之義寧元年為光祿大夫唐國內史徙
封秦國公食邑萬戶薛舉攻扶風太宗擊敗之斬
首萬餘級遂略地至隴右二年為右元帥徙封趙
國公率兵十萬攻東都不克而還設三伏于三王
陵敗隋將段達兵萬人武德元年為尚書令右翊
衛大將軍進封秦王薛舉寇涇州太宗為西討元
帥進位雍州牧七月太宗有疾諸將為舉所敗八
月太宗疾間復屯于高墪城相持六十餘日已而
舉死其子仁果率其眾求戰太宗按軍不動久之
仁果糧盡眾稍離叛太宗曰可矣乃遣行軍摠管

梁實柵淺水原仁果將宗羅睺擊實太宗遣將軍
龐玉救實玉軍幾敗太宗率兵出其後羅睺敗走
太宗追之至其城下仁果乃出降師還高祖遣李
密馳傳勞之于幽州密見太宗不敢仰視退而歎
曰真英主也獻捷太廟拜右武侯大將軍太尉使
持節陝東道太行臺尚書令詔蒲陝河北諸摠管
兵皆受其節度二年正月鎮長春宮進拜左武侯
大將軍涼州摠管是時劉武周據并州宋金剛陷
滄州王行本據蒲州而夏縣人呂崇茂殺縣令以
應武周高祖懼詔諸將棄河東以守關中太宗以

爲不可棄願得兵三萬可以破賊高祖於是悉發
關中兵益之十一月山龍門關屯于柏壁三年四
月擊敗宋金剛于柏壁金剛走介州太宗追之一
日夜馳二百里宿于雀鼠谷之西原軍士皆饑太
宗不食者二日行至涪州乃得食而金剛將尉遲
敬德尋相等皆來降劉武周懼奔于突取其將楊
伏念舉并州降高祖追爾瑀即軍中拜太宗益州
道行臺尚書令七日討王世充敗之于比邱四年
二月竇建德率兵十萬以接世充太宗敗建德于
虎牢執之世充乃降六月凱旋太宗被金甲陳鐵

騎一萬介士三萬前後鼓吹獻俘于太廟高祖以謂太宗功高占官號不足以稱乃加號天策上將領司徒陝京道大行臺尚書令位在王公上增邑五至一二萬賜衣冕金輅雙壁黃金六千斤前後鼓吹九部之樂班劍四十人五年正月討劉黑闥於洛州敗之黑闥既降已而復反高祖怒命太子建威取山東男子十五以上悉玩之毆其小弱婦女以實關中太宗切諫以爲不可遂已加拜左右十二衛大將軍七年突厥寇邊太宗與馮于幽州從百騎其可汗語乃盟而去八年進位中書令初

高祖起太原非其本意而事出太宗及取天下破宋金剛王山充竇建德等太宗功益高而高祖屢許以爲太子太子建成懼發與齊王元吉謀害太宗未發九年六月太宗以兵入玄武門殺太子建成及齊王元吉高祖太驚乃以太宗爲皇太子八月甲子即皇帝位于東宮顯德殿遣裴寂告于南郊大赦武德流人還之賜文武官勳爵免關內及蒲芮虞秦陝隸六州二歲租給復天下一年民八十以上賜粟帛百歲加版授廢潼關以東瀕河諸關癸酉放宮女三千餘人丙子立元長孫氏爲皇

后癸未突厥寇便橋己酉及突厥頡利盟于便橋
九月壬子禁私家妖神淫祀占卜非龜易五兆者
十月丙辰朔日有食之癸亥立中山郡王承乾為
皇太子庚辰蕭瑀陳叔達罷十一月庚寅降宗室
郡王非有功者爵為縣公十二月癸酉慮囚是歲
進封子長沙郡王恪為漢王宜陽郡王祐楚王
貞觀元年正月乙酉改元辛丑燕郡王李藝反于
涇州伏誅二月丁巳詔民男二十女十五以上無
夫家者州縣以禮聘娶貧不能自行者鄉里富人
及親戚資送之鰥夫六十寡婦五十婦人有子若

守節者勿彊三月癸巳皇后親薨丙午詔齊僕射
崔季舒黃門侍郎郭遵尚書右丞封孝琰以極言
蒙難季舒子剛遵子雲孝琰子君遵並及淫刑宜
免內侍褒叙以官閏月癸丑朔日有食之四月癸
巳涼州都督長樂郡王幼良有罪伏誅五月癸丑
敕中書令侍中朝堂受訟辭有陳事者悉上封六
月辛丑封德彝薨甲辰太子少師蕭瑀為尚書左
僕射是夏山東旱免今歲租十月壬子吏部尚書
長孫无忌為尚書右僕射八月河南隴右邊州霜
宇文士及檢校涼州都督戊戌貶高士廉為安州

大都督九月庚戌朔日有食之辛酉遣使諸州行
損田賑問下戶御史大夫杜淹檢校吏部尚書參
議朝政字文士及罷辛未幽州都督王君廓奔于
突厥十月丁酉以歲饑減膳十一月己未許子弟
年十九以下隨父兄之官所十二月壬午蕭瑄罷
戊申利州都督李孝常右武衛將軍劉德裕謀反
伏誅

二年正月辛亥長孫無忌罷兵部尚書杜如晦
校侍中總監東宮兵馬事癸丑吐谷渾寇岷州
督李道彥敗之丁巳徙封恪為蜀王泰越王

王庚午刑部尚書王績檢校中
官上考者給祿三月戊申朔日
書門下五品之上入尚書議
關內道車大物皆以蒸薛
內出金只賄錢盛高者還之
大赦矣日兩四月己卯廢隋人
梁洛公師都以降六月廿
其家庚寅以子治生賜是日生
刺史裴巨通以秩階煬帝削爵
萊州刺史牛方裕薛州刺史
廣州長史唐

奉義虎牙郎將高元禮以字及之當書除名
徙于邊八月甲戌首寃獄于朝 幸丑立二王後
廟置國官九月壬子以有年賜酺三日十月庚辰
杜淹薨戊子殺瀛州刺史盧祖尚十一月辛酉有
事于南郊十二月壬辰黃門侍郎王珪守侍中癸
巳禁五品以上過市

三年正月丙午以旱避正殿癸丑官得上下考者
給祿一年戊午百季太廟癸亥耕藉田辛未裴寂
罷二月戊寅房玄齡為尚書左僕射杜如晦為右僕
射尚書右丞魏徵為祕書監參預朝政二月己酉

西此遂克之義益元一為光祿大夫唐國內史徙
封秦國公公以... 擊敗之斬
首萬餘級... 師徙封趙
國公... 于三王
凌... 武德...
... 封秦... 寇...
... 州牧七月太宗有疾
... 高...
... 仁泉率具...
... 太宗...
... 總管

獻獲于大安宮乙卯免武功今歲租賦十一月壬戌右衛大將軍侯君集為兵部尚書參議朝政甲子至自隴州戊寅除鞭背刑十二月甲辰獵于鹿苑乙巳至自鹿苑是歲天下斷死罪者二十九人五年正月癸酉獵于昆明池丙子至自昆明池獻獲于大安宮二月己酉封弟元裕為鄯王元名譙王靈夔魏王元祥許王元曉密王庚戌封子愔為梁王自漢王暉郊王治晉王慎申王囂江王簡代王四月壬辰代王簡薨五月乙丑以金帛購隋人沒于突厥者以還其家八月甲辰遣使高麗祭隋

人戰亡者戊申殺大理丞張蘊古十一月丙子有事于南郊十二月丁亥詔決死刑京師五覆奏諸州三覆奏其日尚食毋進酒肉壬寅幸溫湯癸卯獵于驪山賜新豐高年帛戊申至自溫湯癸丑赦關內

六年正月乙卯朔日有食之癸酉靜州山獠反右武衛將軍李子和敗之二月侯君集罷戊辰如九成宮丁丑降雍岐豳三州死罪以下賜民八十以上粟帛五月魏徵檢校侍中六月己亥鄴王元亨薨辛亥江王囂薨七月己巳詔天下行鄉飲酒九

月巳酉幸慶善宮十月侯君集起復乙卯至自慶善宮十二日辛未慮囚無死罪者歸其家是歲諸羗內屬者三千萬人

七年正月戊子斥字文化及黨人之子孫勿齒辛丑賜京城酺三日二月丁卯雨土三月戊子王珪罷庚寅魏徵為侍中五月癸未如九城宮六月辛亥戴胄薨八月辛未東西洞獠寇邊右屯衛大將軍張士貴為龔州道行軍總管以討之九月縱囚來歸皆赦之十月庚申至自九成宮乙丑京師地震十一月壬辰開府儀同三司長孫無忌為司空

十二月甲寅幸芙蓉園丙辰獵于少陵原戊午至自少陵原

八年正月辛丑張士貴及獠戰敗之壬寅遣使循省天下二月乙巳皇太子加元服丙午降死罪以下賜五品以上子為父後者爵一級民酺三日三月庚辰如九成宮五月辛未朔日有食之是夏吐谷渾寇涼州左驍衛大將軍段志玄為西海道行軍總管左驍衛將軍樊興為赤水道行軍總管以伐之七月隴右山崩八月甲子有星孛于虛危十月作永安宮甲子至自九成宮十一月辛未李靖

罷已丑吐谷渾寇涼州執行人鴻臚丞趙德楷十
二月辛丑特進李靖為西海道行軍大總管侯君
集為積石道行軍總管任城郡王道宗為鄯善道
行軍總管膠東郡公道彥為赤水道行軍總管涼
州都督李大亮為且末道行軍總管利州刺史高
甌生為鹽澤道行軍總管以伐吐谷渾丁卯從太
上皇閱武于城西

九年正月党項羌叛二月長孫無忌罷三月庚辰
北州羌殺刺史孔長秀附于吐谷渾壬午大赦乙
酉高甌生及羌人戰敗之閏四月丙寅朔日有食

之五月長孫無忌起復庚子太上皇崩皇太子繼
政壬子李靖及吐谷渾戰敗之七月庚子鹽澤道
行軍副總管劉德敏及羌人戰敗之十月庚寅葬
太武皇帝于獻陵十一月壬戌特進蕭瑀參豫朝
政

十年正月甲午復聽政癸丑徙封元景為荆王元
昌漢王元禮徐王元嘉韓王元則彭王元懿鄭王
元軌霍王元鳳虢王元慶道王靈夔燕王恪吳王
泰魏王祐齊王愔蜀王暉齊王真越王慎紀王三
月癸丑出諸王為都督六月壬申溫彥博為尚書

右僕射大常卿揚師道爲侍中魏徵罷爲特進知
門下省事參議朝章國典己卯皇后崩十一月庚
寅葬文德皇后于昭陵十二月蕭瑀罷庚辰慮囚
十一年正月丁亥徙封元裕爲鄧王元名舒王庚
子作飛仙宮乙卯免雍州今歲租賦二月丁巳營
九峻山爲陵賜功臣密戚陪塋地及祕器甲子如
洛陽宮乙丑給民百歲以上侍五人壬午獵于鹿
臺嶺三月丙戌朔日有食之癸卯降洛州囚見徒
免一歲租調辛亥獵于廣成澤癸丑如洛陽宮六
月甲寅溫彥博薨丁巳幸明德宮己未以諸王爲

世封刺史戊辰以功臣爲世封刺史己巳徙封亦
祥爲江王七月癸未大雨水穀洛溢乙未詔百官
言事壬寅廢明德宮之玄圃院賜遭水家丙午給
亳州老子廟兖州孔子廟戶各二十以奉享復涼
武昭王近墓戶二十以守衛九月丁亥河溢壞陝
州河北縣毀河陽中澤幸白司馬坂觀之賜瀕河
遭水家粟帛十月癸丑賜先朝謀臣武將及親戚
亡者塋陪獻陵十一月辛卯如懷州乙未獵于濟
源麥山丙午如洛陽宮
十二年正月乙未叢州地震癸卯松州地震二月

癸亥如河北縣觀底柱甲子巫州獠反夔州都督
齊善行敗之乙丑如陝州丁卯觀鹽池庚午如蒲
州甲戌如長春宮免朝邑今歲租賦降囚罪乙亥
獵于河濱閏月庚辰朔日有食之丙戌至自長春
宮七月癸酉吏部尚書高士廉為尚書右僕射八
月壬寅吐蕃寇松州侯君集為當彌道行軍大忽
管率三摠管兵以伐之九月辛亥關水道行軍忽
管于進達及吐蕃戰于松州敗之十月己卯獵于
始平賜高年粟帛乙未至自始平鈞州山獠反挂
州都督張寶德敗之十一月己巳明州山獠反交

州都督李道彥敗之十二月辛巳壁州山獠反右
武侯將軍上官懷仁討之是歲滁濠二州野蠻成
繭

十三年正月乙巳拜獻陵赦三原及行從免縣人
今歲租賦賜宿衛陵邑郎將三原令爵一級丁未
至自獻陵二月庚子傳世封刺史三月乙丑有星
孛于畢昴四月戊寅如九成宮甲申中郎將阿史
那結社率反伏誅壬寅雲陽石然五月甲寅以旱
避正殿詔五品以上言事減膳罷役理囚賑乏乃
雨六月丙申封弟元嬰為滕王八月辛未朔日有

食之十月甲申至自九成宮十一月辛亥楊師道
為中書令戊辰尚書左丞劉洎為黃門侍郎參知
政事十二月壬申侯君策為交河道行軍大總管
以伐高昌乙亥封子福為趙王壬辰獵于咸陽癸
巳至自咸陽是歲滁州_行成繭

十四年正月庚子有司讀時令甲寅辛魏王泰第
赦雍州長安縣免延康里今歲租賦二月丁丑觀
釋奠于國學赦大理萬年縣賜學官高第生帛壬
午幸溫湯辛卯至自溫湯乙未求梁皇儲褚仲都
周熊安生沉重陳沈文阿周弘王張譏隋何_安

煇_州之後二月羅賓二州掠反廣州務管_也

弘敗之五月壬寅徙封靈巖冬為曾王六月滁州_出

成繭乙酉大風拔木八月庚子作襄城宮癸酉

侯尹集克高昌九月癸卯赦高昌部及士卒父子

犯死替犯流大功犯徒小功緹麻犯叔皆原之閏

十一月乙未如同州甲辰獵于堯山庚戌至自同州

十一月甲子有事于南郊十二月丁酉侯君集俘

高昌王以獻賜酺三日癸卯獵于樊川乙巳至自

樊川

十五年正月辛巳如洛陽宮次溫湯衛士_在御刀

文懿謀反伏誅三月戊辰徙襄城宮四月辛卯詔
以來歲二月有事于泰山乙未免洛州今歲租還
戶故給復者加給一年賜民八十以上物博獨鰥
寡疾病不能自存者米二斛慮囚六月己酉有星
孛于太微丙辰停封泰山避正殿減膳七月丙寅
有周隋各臣及忠烈子孫貞觀以後流配者十月
辛卯獵于伊闕壬辰如洛陽宮十一月癸酉薛延
陀寇邊兵部尚書李世勣為朔州道行軍總管
衛大將軍李元昊為靈州道行軍總管涼州都督
李龍女與言為涼州道行軍總管以茂之十二月

子至自洛陽宮庚子命三品以上嫡子事東宮
丑慮囚甲辰李世勣及薛延陀戰于諾真水敗之
乙巳贈戰士將上官三帥
十六年正月乙丑遣使安撫西州戊辰募戍西州
者前犯流死工匿聽自首以獲募辛未徙天下死
罪入獄西州中書具書又出文本為中書侍郎專典
機密六月戊戌太白書見七月戊午長孫无忌為
百餘房玄齡為司空十一月丙辰獵于武功壬戌
獵于岐山之陽甲子賜所過六縣高年孤疾糧食
粟帛遂幸慶善宮庚午至自慶善宮十一月癸卯

幸温湯甲辰獵于蠡山乙巳至自温湯

十七年正月戊辰魏徵薨代州都督劉蘭謀反伏誅二月己亥處囚戊申圖功臣于凌煙閣三月壬子禁送終遠令式者丙辰齊王祐反李世勣討之甲子以旱遣使覆囚决獄乙丑齊王祐伏誅給復齊州一年四月乙酉廢皇太子為庶人漢王元昌侯君集等伏誅丙戌立晉王治為皇太子大赦賜文武官及五品以上子為父後者爵一級民八十以上粟帛酺三日丁亥揚師道罷己丑特進蕭瑀為太子太保水 勳為太子詹事同中書門下三

品庚寅謝承乾之過千大廟癸巳降封魏王泰為東萊郡王六月己卯朔日有食之壬辰葬隋恭帝甲午以旱避正殿減膳詔京官五品以上言事丁酉高士廉同中書門下三品平章政事閏月丁巳詔皇太子與左右屯營兵丙子徙封泰為順陽郡王七月丁酉房玄齡罷八月庚戌工部尚書張亮為刑部尚書參務朝政十月丁未建諸州鄣于京坂丁巳房玄齡起復十一月己卯有事于南郊壬午賜酺三日以涼州獲瑞石赦梁州十二月庚申幸温湯庚午至自温湯

十八年正月乙未如鍾官城庚子如鄂壬寅辛溫
湯二月己酉如零口乙卯至自零口丁巳結復突
厥高昌部人隸諸州者二年四月辛亥如九成宮
七月甲午營州都督張儉率幽營兵及契丹突以
伐高麗八月壬子安西都護郭孝恪為西州道行
軍總管以伐焉耆甲子至自九成宮丁卯劉洎為
侍中岑文本為中書令中書侍郎馬周守中書令
九月黃門侍郎褚遂良參務朝政辛卯郭孝恪及
焉耆戰敗之十月辛丑朔日有食之癸卯宴雍州
父老于上林苑賜粟帛甲寅如洛陽宮己巳獵于

天池十一月戊寅慮囚庚辰遣使恤閩鄭汝懷澤
四州高年宴賜之甲午張亮為平壤道行軍大總
管李世勣馬周為遼東道行軍大總管率十六總
管兵以伐高麗十二月壬寅庶人承乾卒戊午李
思摩部落叛

十九年二月庚戌如洛陽宮以伐高麗癸丑射虎
于武德北山乙卯皇太子監國于定州丁巳賜所
過高年窮窮粟帛贈比于大帥謚忠烈三月壬辰
長孫無忌攝侍郎吏部尚書揚師道攝中書令四
月癸卯誓師于幽州大饗軍丁未岑文本薨癸亥

李世勣克蓋牟城五月己巳平壤道行軍總管程
名振克沙卑城庚午次遼澤瘞隋人戰亡者乙亥
遼東道行軍總管張君人有罪伏誅丁丑軍至馬
首山甲申克遼東城六月丁酉克白巖城己未大
敗高麗于安市城東南山左武衛將軍王君
之辛酉賜酺三日七月壬申葬死事官加爵
以一子襲九月癸未班師十月丙午次營州以太
牢祭死事者丙辰皇太子迎謁于臨渝關戊午次
漢武臺刻石紀功十一月癸酉大饗軍于幽州庚
辰次易州癸未平壤道行軍總管張文幹有罪伏

誅丙戌次定州丁亥敗揚師道爲工部尚書十二
月戊申次并州己未薛延陀寇夏州左領軍大將
軍執失思力敗之庚申殺劉洎

二十年正月辛未夏州都督喬師望妻薛延陀戰
敗之丁丑遣使二一人以六條黜陟于天下庚
辰赦并州起義時編戶給復三年後附者一年二
月甲午從伐高麗無功者皆賜勳一轉庚申賜所
過高年鰥寡粟二月己巳至自高麗庚午末豫皇
太子聽政己丑張亮謀反伏誅閏月癸巳朔日有
食之六月乙亥江表夏郡王道宗李士勣伐薛延陀

七月辛亥疾愈李世勣及薛延陀戰敗之八月甲子封孫忠為陳王己巳如靈州庚辰次涇州賜高年鰥寡粟帛丙戌踰隴山關次瓦亭觀馬牧丁亥詔陟陵者子孫從葬九月辛卯遣使巡察嶺南甲辰鐵勒諸部請上號為可汗辛亥靈州地震十月貶蕭瑀為商州刺史丙戌至自靈州十一月己丑詔祭祀表疏藩客兵馬宿衛行魚契給驛授五品以上官及除解決死罪皆以聞餘未及皇太子二十一年正月壬辰高士廉薨丁酉詔以來歲二月有事于泰山甲寅以鐵勒諸部為州縣賜京師

醜三日慮囚降死罪以下二月丁丑皇太子繼位丁未學二月戊子左武衛大將軍牛進達為青州道行軍大總管李山勣為遼東道行軍大總管率三總管兵以伐高麗四月乙丑任翠微宮五月戊子幸翠微宮壬辰命百司決事于皇太子庚戌李世勣克南蘇木底城六月丁丑遣使鐵勒諸部聘中國人陷沒者七月乙未牛進達克石城丙申任王華官庚戌至自翠微宮八月泉州海溢壬戌傳封泰山九月丁酉封子明為曹王十月癸丑褚遂良薨十一月癸卯進封泰為濮王十二月戊寅

驍衛大將軍劫悉何力為崑丘道行軍大總管率
三總管兵以伐龜茲

二十二年正月庚寅馬周薨戊戌幸溫湯己亥中
書舍人崔仁師為中書侍郎參知機務丙午左武
衛大將軍薛萬徹為青丘道行軍大總管以伐高
麗長孫无忌檢校中書令知尚書門下省事戊申
至自溫湯二月褚遂良起復乙卯見京城父老勞
之蠲今歲半相畿縣三之一丁卯詔度遼水有功
未酬勳而犯罪者與成官同乙亥幸玉華宮己卯
獵于華原流崖仁師于連州三月丁亥赦宜君給

復縣人自玉華宮苑中遷者三年四月丁巳松州
蠻叛右武侯將軍梁建方敗之六月丙寅張行成
存問河北從軍者家令州縣為營農丙子薛萬徹
及高麗戰于泊灼城敗之七月甲申大白晝見壬
辰殺華州刺史李君羨癸卯房玄齡薨八月己酉
朔日有食之辛未執矢思力伐薛延陀餘部于金
山九月庚辰崑丘道行軍總管阿史那社尔及薛
延陀餘部處月處蜜戰敗之己亥褚遂良為中書
令壬寅眉邛雅三州獠反茂州都督張士貴討之
十月癸丑至自玉華宮己巳阿史那社尔及龜茲

戰敗之十二月辛未降長安萬年徒罪以下閏月
癸巳慮囚

二十三年正月辛亥阿史那社尔俘龜茲王以獻
三月己未自冬旱至是雨辛酉大赦丁卯不豫命
皇太子聽政于金液門四月己亥幸翠微宮五月
戊午敗李世勣為豐州都督己巳皇帝崩于含風
殿年五十三庚午奉大行御馬輿還京師禮部尚
書于志寧為侍中太子少詹事張行成兼侍中高
季輔兼中書令壬申發喪謚曰文上元元年改謚
文武聖皇帝天寶八載謚文武大聖皇帝十三載

增謚文武大聖大廣孝皇帝

贊曰甚矣至治之君不世出也禹有天下傳十有
六王而少康有中興之業湯有天下傳二十八王
而其甚盛者號稱三宗武王有天下傳三十六王
而成康之治與宣之功其餘無所稱焉雖詩書所
載時有闕略然三代千有七百餘年傳七十餘君
其卓然著見於後世者此六七君而已嗚呼可謂
難得也唐有天下傳世二十其可稱者三君玄宗
憲宗皆不克其終盛哉太宗之烈也其餘隋之亂
北迹湯武致治之美廢幾成康自古功德兼隆由

漢以來未之有也至其牽於多愛復立浮圖好大
喜功勤兵於中材庸王之所常為然春秋之
法常責備於賢者是以後世君子之欲成人之美
者莫不歎息於斯焉

程